

Bolaligim — poshsholigim!

# ERKATOY®

2018 y. Aprel №4 (83)

bolalar jurnali



## QARSHI QAL'ASINI ZABT ETOLMAY...

"Qarshi qal'asini zabit etolmay, ortimizga qaytmoqda edik. Qizil daryodan kechib, bir qishloqqa qo'ndik. Men bir kulbani ixtiyor etdim. Unda ushoqqina kampir yashar, tirikchiligi yolg'iz echkidan erkan. Men momodan biror ovqat qilib bermoqni o'tindim. Ko'p o'tmay tovoqqa suzilgan atala dasturxonda paydo bo'ldi. Och erdim. Qoshiqni tovoqdagi atalaga to'ldirib, yutoqib yegan edim, og'zi-tilim kuygandan-kuydi. Shunda momo dedi:

- Sen-da Amir Temurga o'xshash shoshqoloqlardan ekansan.
- Temurbekning shoshqoloqligini qaydin bildingiz, momo, - deb so'radim.

— Eshitishimcha, Amir Temur Qarshi qal'asiga tik borib, uni ololmabdi. Avval u qal'a atrofidagi kichik-kichik qishloqlarni egallab, kuch to'plab, so'ng qal'aga hujum qilmog'i lozim edi. U esa bir yo'la beklikni olmoqchi bo'ldi-yu, shashti sindi.

Sen ham shoshding va og'zingni kuydirding. Atalani avval tovoqning yuzidan olib, sekin-sekin yalab ko'radi,sovuganini bilgach, so'ngra qoshiqni to'ldirib yeydi-da. Shunda xatoimni anglaganday bo'ldim. Va dedim:

— Darxon momo, o'shal shoshgich Amir Temur mendirman. Tanbehingizni bosh ustiga oldim. Tilang tilagingizni. Darxon momo odamlar uchun ariq qazib suv chiqarib berishni so'radi. Oradan ko'p o'tmay Tanqos daryosidan ariq qazib, suv chiqarib berdim".





# MEN OFTOBNING QIZIMAN

Qambar Ota she'ri  
Shermat Yormatov musiqası

## **Naqorat:**

Men oftobning qiziman,  
Charaqlagan ko'ziman.  
Birga mакtabga chiqsak,  
Nur yog'ilalar yuzimdan.

Kapalaklar quvlashib,  
Uchib borar izimdan.  
Gullar tersam oyimga,  
Gullar o'par yuzimdan.

## **Naqorat.**



830317


Bulbulcha

10 Men of-tob-ning qi-zi-man, cha-raq-la-gan ko'-zi-man. Bir-ga mak-tab  
 gachiq-sak, nur yo-g'i-lar yu - zim-dan. lya, lya, lya, lya lya, lya, lya, lya  
 18 - nur yo-g'i-lar yu - zim-dan. Ka-pa-lak-lar quv-la-shib,  
 27 u-chib bo-rar i - zim - dan. Gul-lar ter-sam o - yim - ga, gul-lar o'par  
 34 rit. Allegretto  
 yu - zim-dan. Men of - tob-ning qi-zi-man, cha-raq-la-gan ko' - zi - man. Bir-ga bog' - cha  
 40 rit  
 ga chiq-sak, nur yo - g'i - lar yu - zim - dan. lya, lya, lya, lya  
 46 - lya, lya, lya, lya nur yo-g'i-lar yu - zim-dan.

Siz kutgan ertak

## YOVVOYI OLCHA VA XONQIZ

Saida IBODINOVA




830445

Baland, yam-yashil barglari shovullagan daraxtlari ko'p bir o'rmon bo'lган екан. O'rmon o'rtasidagi kichkina sayhonlik zumrad maysalar bilan qoplangan bo'lib, turfa rangdagi gullar o'tloqqa juda yarashgandi. Bu gullar orasida katta, baquvvat, gulbarglari oppoq moychechak ichida esa xonqizi yashar екан. U bir kuni ertalab uyg'onganida o'tloqcha chekkasidan ingragan ovoz eshitilibdi. Xonqizi hayron bo'lib atrofga alanglabdi va xol-xol ko'ylagini to'g'irlab o'sha tomonga uchibdi. Qarasa, ingrayotgan nozikkina yovvoyi olcha daraxti екан. — Olchajon, senga nima bo'ldi? — deya so'rabdi xonqizi jonkuyarlik bilan. — Bu ko'klam yomg'ir ko'p yog'di. Quyoshni hali tuzuk-quruq ko'rolmadim. Bundan foydalangan hasharotlar barglarim va tanamga yopishib olishdi. Shuning uchun holsizlanib ketyapman, — deya ko'zyosh to'kibdi olchavoy. Xonqizi bir oz o'ylanib turibdi-da, vizillagancha qayoqqadir yo'l olibdi. Oradan ko'p o'tmay bir qancha do'stlarini boshlab kelgan xonqizi olchavoyni hasharotlardan tozalashga kirishib ketibdi. Ikki-uch kun ter to'kib mehnat qilgan xonqizi va uning do'stlari charchab uqlab qolishibdi. Ertalab uyg'onib qarashsa, hasharotlardan qutulgan olchavoy barglarini shitirlatib shabodaning qo'shig'iga sho'x-shodon raqsga tushayotganmish. Shu-shu xonqizi va olchavoy qalin do'st bo'lib qolishibdi.

## ISM AYTAR

Maza-maza siz quvnoq bolajonlarga maza-da! O'ynab-o'ynab to'ymaysiz. Men Erkatoy do'stingiz esa sizga bir-biridan qiziqarli o'yinlarni o'rgatishdan charchamayman. Bu safargi o'yinimiz koptok yordamida o'ynaladi. "Ism aytar" o'yinida 7-8 bola ishtirok etadi. Avvalo mana shu bolalar "Oyim berdi pomidor"ni aytib o'yinni boshlaydilar. Sardor aniqlangach, u koptokni olib qolgan bolalardan birining ismini aytib koptokni osmonga otadi, kimning ismi jaranglasa o'sha bola chaqqonlik bilan to'pni ilib olishi kerak. Qolganlar esa iloji boricha koptokni ilgan boladan uzoqroqqa qochishlari zarur. To'p ilingach, hamma o'z joyidan jilmayidi va koptokni ilgan bola o'zi xohlagan raqibiga to'pni otib tekkazishi kerak. Agar, koptok unga tegsa, o'sha bola o'yinni mana shu tarzda davom ettiradi. Bu o'yin chaqqonlikni va ziyraklikni talab etadi. Shu bilan birga aslo zeriktirmaydi. Qani ketdik, birgalikda o'ynaymiz.



Vod olamiz

## VARRAKLAR

Shukrullo

Xursand uyg'onardim bahor chog'lari,  
Tongdan bo'lar edi ko'zim osmonda.  
Shamol silkitganda terak shoxlarin,  
Quvonchimning cheki bo'lmasdi manda.

Yangi kelin kabi tomda chuchmoma,  
Yal-yal yonar edi lolaqizg'aldoq.  
Lojuvard dengizdek bepoyon samo,

U ne bahor edi! U ne go zal chog'!  
Varraklar kuylardi shamolda jo'shib,  
Men tomda tinglardim chalqancha tushib.



830651



## BAHOR

Qudrat Hikmat

Uchib yurar mayin shamollar,  
Yelpib-yelpib anhor yuzini.  
Qirg'oqlarda soyabon tollar  
Oyna-suvda ko'rар o'zini.  
Tong yellari o'ynoqlab sekin,  
Jiydazorga kirib yo'qolar.  
Maysa o'tlar tebranib sekin,  
Orqasidan kuzatib qolar.  
Bedapoya, yam-yashil o'tloq,  
Chinorlarda qushlar chug'urlar,  
Ko'klam ko'rkin ko'rdingmi, o'rtoq,  
Chamanzordek hammayoq gullar.



830683



## ARALASHVORD


Qiziqarli matematika

1	2	3

4 5 6 7 8



Mana bu shaklchadagi qulipnaylarni teng  
4 bo'lakka bo'ling. Har bir qismda 3 donadan  
qulipnay mevasi bo'lsin.



# YURTNING FAXRI



Sportsevar bolarjonlar, jurnalimizning ushu sahifasida yurtimiz sharafini oshirishga hissa qo'shayotgam jajjigina tengdoshlaringiz haqidagi ma'lumot berib kel-yapmiz. Axir siz ham juda iste'dodlisiz. Biror-bir sport to'gariga qatnashib, yuqori cho'qqilarga erishing deymiz-da. Sahifamizning bu galgi chempioni, Poytaxtimizning "Ziyo-zukko" nodavlat ta'lim muassasasining 2-sinf o'quvchisi, bir qator oltin medallar sohibi, Ibrohim Nig'matovdir.

Unga maktabdagi barchaning havasi kelishi bejizga emas. Fanlarni yaxshi o'zlashtirish bilan birga Ibrohim sportning "taekvando" turi bilan

muntazam shug'llanib kelmoqda. Ibrohimdag'i shijoat, mas'uliyat va mehnatsevarlikni ko'rib, qani endi barcha bolalar ham shunday bo'lsa, deb unga havasimiz keldi. U mahoratlil ustozi Bahtiyor Isroilovdan "Taekvando" sportning sir-asrорlsrini o'rganib kelmoqda.

So'nggi ikki yil orasida tengdosh sportchilar o'rtasida qo'lga kiritgan g'alabalari o'n yettitadan oshdi.

O'tgan yili Malayziya shahrida bo'lib o'tgan "Asia taekwon-do championship" muisobaqasida faxrli 1-o'rinni egalladi. Uning kelajakdagi orzulari juda ko'p. Biz esa bu jippi iste'dod egasidan yanada baland cho'qqilarni zabd etishiga tilakdoshmiz.



Shahnoza suhbatlashdi.

## BAHOR

Bahor gulga o'xshaydi,  
Men bulbulga o'xshayman.  
G'uncha labin ochsaydi,  
Qushdek sayrashga shayman.

Vatanimning bog'lari,  
Gul-chamanga burkangan.  
Yuvilgan dil dog'lari,  
Kuy-ko'shiqqa o'rgangan.

Dugonalar jam bo'lib,  
Chiqdik lola sayliga.  
Hur zamonda kim qancha,  
O'ynab-kulsa maylida.

Oybarchin Bakirova,  
Samarqand vil.,  
Qo'shirobod tum.,  
66-maktab o'quvchisi.

## QIZG'ALDOQ

Qizg'aldoq'im-qizg'aldoq,  
Mitti nozik qizaloq.  
Barglaring yashil buncha,  
O'zing esa qizilcha.

Sanjar Eshniyozov,  
Samarqand vil.,  
Kattaqo'rg'on tum.,  
23-maktab o'quvchisi.



# SOVG'A

Shahnoza BAHROMJONOVA



Puchuqvoy hech qachon birovdan xat olmagan va birovga ham yozmagan. Xat tashuvchi qarg'avoy unga konvertni tutqazganida hayron bo'ldi. Maktubni shosha pisha ochib qarasa, bolalikdagi do'sti Baroqvoymdan ekan. "Hurmatli do'stim Puchuqvoy! Seni judayam sog'indim. Seni uyimga mehmonga taklif qilaman", deb yozilgan ekan. Puchuqvoy nima qilarini bilmay qoldi. Axir shaharga borish tugul qishlog'ini ham tuzukroq bilmas edi-da. Nima bo'lsa bo'ldi deb, yo'lga tushdi. "Ziyofat bo'lsa, bir-biridan mazali taomlar bo'lishi tayin", degan o'y uni orziqtirib yubordi. Shaharga kelsa, hammayoq o'zgacha, u yashaydigan qishloqdan butunlay farq qiladi. Bir amallab Baroqvoyni uyini topdi. Baroqni avvaliga tanimadi. U juda chiroyli, oq, qora rangli yungi va ikki yuzidagi kulrang yanog'i o'ziga juda yarashgan. Baroqvoy Puchuqvoyni darrov tanidi. Chunki u xali ham o'sha-o'sha o'zgarmagan. Uning ko'rinishi hozirgina pala partish ovqatlangan yosh bolani eslatardi. Baroqvoy esa do'stini uyiga taklif qildi. Hamma yoqqa hayrat nigohini o'qlagan Puchuqning diqqatini devordagi bir buyum tortdi. Avvaliga qo'rqib ketdi, sekin qo'l tekkazib ko'rib: "Nahot egizagim bo'lsa", deb o'yladi. Axir, bu oyna-ku, bunda o'z aksing ko'rindi xolos, dedi kulib Baroqvoy. Oynada o'z aksini ko'rganini bilgan Puchuqvoy uyalib ketdi. Ikki do'st maza qilib mehmondorchilik qilishdi. Puchuqvoy uyiga otlanganida Baroqvoy unga chiroyli oyna sovg'a qildi. Endi Puchuqning ham o'z aksini ko'rsatadigan "do'sti" bor.



CHILDREN

MAN

CASTLE

TEETH

WOMEN

TORTOISES

GESE

OXEN

AQUARIUM

TOOTH

PERSON

GLASSES

FOOT

MOUSE

Put the words in correct place



foot

O'xshadimi?



Mehrangiz Hasanova.



Dilshodbek Qobilov.

Buxoro viloyati,  
Romitan tumanidagi,  
33-maktab,  
3-sinf o'quvchilarining  
chizgan sur'atlari.



Maftuna Anvarova.



Amirxon Bahodirov.



Dilnoza Mahmudova

Здравствуй, друг!


Сосчитайте грибы в лукошках и  
впишите буквами их количество  
в клетки кроссворда.  
В выделенном столбике будет  
имя девочки.



	1		
2			
3			
	4		

O'zing bo'yu





831512

# ERKATOY

Biz birligda bir oylamız!

Maʼnaviy-maʼnify, adabiy-badiy nashr  
Muassisi: "Matbuot info media servis" MChJ  
Bosh muharrir: Nodir Yusupov  
Rassom: Hiliola Joʼraboyeva  
Sahifalovchi: Andrey Paxunov

Tahririyat manzili: 100011, Toshkent shahri, A.Navoiy koʼchasi, 16\*-uy, 514\*-xona. Tel: 0(371) 241-03-35, (593) 574-81-61

Tahrir: hay'at:  
Iqbol Mirzo (hay'at rafsi)  
Sherman Yormatov  
Bahodir Sharofov  
Vohid Luqmon  
Orif Toʼxtash  
Nodir Jonuzog'

Jurnal 03.12.2013 y. Oʻzbekiston Matbuot va axborot agentligidan 0832 raqamli guvohnoma olgan.

"Sano Standar" MChJ bosmaxonasida chop etildi.  
Manzil: Toshkent sh. Olmazor tumani Shiroq koʼchasi 100-uy.

Buyurtma raqami: \_\_\_\_\_  
Bichimi - 70/100 1/16 Nusxasi - 10 000

Jurnal "Erkatoj" tahririylari  
kompyuterlarda sahfalandi.  
Joyha muallifi: Nodir Yusupov



# RASMLARDAGI 7 TA FARQNI TOPING



ISSN 2181-7456



JURNALLARIMIZGA OBUNA  
BO'LISHNI UNUTMANG!

O'ZBEKCHA  
OBUNA INDEKSI:

**882**

INGLIZCHA  
OBUNA INDEKSI:

**967**